

Na osnovu člana 19. stav (2) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06 i tačke 10. stav (9) Programa utroška sredstava utvrđenih u razdjelu 17. Budžeta Federacije Bosne i Hercegovine za 2019. godinu Federalnom ministarstvu energije, rudarstva i industrije „Tekući transferi i drugi tekući rashodi- subvencije javnim preduzećima iz oblasti namjenske industrije“ („Službene novine Federacije BiH“, broj: 23/19), Vlada Federacije Bosne i Hercegovine na 187. sjednici, održanoj 31.07.2019. godine, donosi

ODLUKU

O IZBORU KORISNIKA SREDSTAVA UTVRĐENIH U RAZDJELU 17. BUDŽETA FEDERACIJE BOSNE I HERCEGOVINE ZA 2019. GODINU FEDERALNOM MINISTARSTVU ENERGIJE, RUDARSTVA I INDUSTRIJE „TEKUĆI TRANSFERI I DRUGI TEKUĆI RASHODI – SUBVENCije JAVNIM PREDUZEĆIMA IZ OBLASTI NAMJENSKE INDUSTRIJE“

I.

Iz Budžeta Federacije Bosne i Hercegovine za 2019. godinu („Službene novine Federacije BiH“, br. 11/19 i 53/19), u skladu sa Odlukom o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2019. godinu Federalnom ministarstvu energije, rudarstva i industrije „Tekući transferi i drugi tekući rashodi-subvencije javnim preduzećima iz oblasti namjenske industrije“ („Službene novine Federacije BiH“, broj: 23/19), utvrđuje se raspodjela sredstava „Tekući transferi i drugi tekući rashodi - Subvencije javnim preduzećima iz oblasti namjenske industrije“ Federalnog ministarstva energije, rudarstva i industrije za 2019. godinu u ukupnom iznosu od 1.500.000,00 KM prema odobrenim zahtjevima, za finansiranje razvojnih projekata privrednih društava iz oblasti namjenske industrije, kako slijedi:

- Privrednom društvu ZRAK d.d. Sarajevo, ul. Adema Buće broj: 148, Sarajevo, odobrava se dodjela dijela sredstava u iznosu od 612.950,00 KM, za repariranje, remont i modernizaciju zastarjele opreme i nabavku nove opreme za proizvodnju, razvoj novih tehnologija i serijske proizvodnje i infrastrukturne radove na proizvodnim pogonima;
- Privrednom društvu UNIS GINEX d.d. Goražde, ul. Višegradska bb, Goražde, odobrava se dodjela dijela sredstava u iznosu od 483.050,00 KM, za program proizvodnje bespilotne letjelice (kupovinu tehnologije KNOW HOW, nabavku potrebne opreme, alata i kontrolne i mjerne opreme);
- Privrednom društvu BNT Tvornica mašina i hidraulike d.d. Novi Travnik, ul. Mehmeda Spahe broj: 1, Novi Travnik, odobrava se dodjela dijela sredstava u iznosu od 404.000,00 KM, za nabavku mjerne ruke za precizno mjerenje, nabavku mjerne mašine za 3D koordinatno mjerenje i nabavku brusilice za okruglo brušenje dužine 4500 mm, čime će se poboljšati kvalitet i skratiti vrijeme

isporuke proizvoda, kao i omogućiti stabilnija proizvodnja dijelova oruđa i mogućnost obrade većih količina proizvoda.

II.

Sredstva iz tačke I. ove odluke isplatit će se iz sredstava Federalnog ministarstva energije, rudarstva i industrije utvrđenih u razdjelu 17. Budžeta Federacije Bosne i Hercegovine za 2019. godinu, ekonomski kod 6144 - „Tekući transferi i drugi tekući rashodi - subvencije javnim preduzećima“.

III.

Federalno ministarstvo energije, rudarstva i industrije će sa korisnicima sredstava sklopiti ugovore o realizaciji dodijeljenih sredstava, sa definisanim pravima i obavezama ugovornih strana.

IV.

Korisnici sredstava iz tačke I. ove odluke dužni su dostaviti Federalnom ministarstvu energije, rudarstva i industrije izvještaje i materijalne dokaze o utrošenim sredstvima.

V.

Za realizaciju ove odluke zadužuju se Federalno ministarstvo energije, rudarstva i industrije i Federalno ministarstvo finansija - Federalno ministarstvo financija, svako u okviru svoje nadležnosti.

VI.

Ova odluka stupa na snagu narednog dana od dana objavljivanja u „Službenim novinama Federacije BiH“.

V. broj: 913 /2019
31.07.2019. godine
Sarajevo



PREMIJER

Fadil Novalić